

Zovins cjavuts ae scuierte di ZOIIS cu la cuviertine

Une experience uniche e che no si pues dismenteâ chê che Miércus ai 22 di Març 2017 i arlêfs des classis secundis de Scuele Secondarie di I grât di Sant Denêl e àn vivude inte sezion antighe de Biblioteche Vuarneriane cu la vuide esperte e coinvoltint dal professôr Angelo Floramo.

Lûc suggestif, che al rapresente il sium di une istruzion comun proprie dal ideadôr Vuarnerio di Dartigne, la sezion storiche de Biblioteche e je la part pluî interessant e coinvoltint de interie colezion viodût che dentri a vegnin conservâts ancjemò in di di vuê tescj cun miniaturis maraveosis e cun finiduris une vore preziosis.

Il scritori in cjariesâr, ancje chel regâl ae comunitât intal XVIII secul de bande di Just Fontanin, studiôs dal lûc che al à puartât indenant la idee dal fondadôr apont di une des primis istituzions di publiche leture inte Italie dal XV secul, cun i siei scuinderilis e cul so 'spirt' che al somee al vivi alî di simprî, a son stâts, dilunc de visite dai arlêfs, ingredients curiôs e inmagentis, di sigûr creâts par tirâ la atenzion di zovins cjavuts ae scuierte di inestimabiî tesauris par lôr scognossûts.

Il test pluî biel, perfetementri conservât intal microclime tipic che al caraterize la sezion e che al è adat ae perfete protezion di ogni tip di pergamene (ma no nome) che achì e ven custodide, al è stât di sigûr la Taule di Salomon, utilizade intal passât par clamâ il diaul.

Un altri manuscrit particolarmentri curiôs si è rivelât il piçul test che i nobî a regalavin a lis fûs che a vevin di sposâsi par jessi custodit inte manie dal vîstît di nuvice, par jessi protete e par vê sostegn. Il particolâr pluî impressionant al è stât chel di scuvierzi che par creâ une opare di art di chest tip, realizade cu la delicade piel dal embrion, a jerin necessaris ben 50 embrions e che, duncje, a murivin ben 50 vacjîs.

Une altre sfumadure che il professôr Floramo al à zontade e che e à colpît la imagjinazion dai zovins visitadôrs e je che par lustrâ l'aur des miniaturis si usavin lis gramulis sot dal lôf che a vignivin sfreoladis su la patine lusint.

Ma il messaç pluî impuartant che i arlêfs a àn fat lôr al è dal sigûr che cualsisedi libri, ancje di pôc cont, al à simprî un pinsîr di trasmeti a cualsisedi che lu lei o ancje che nome lu amirî

Arlêfs di Classe 2[^]A

*cul jutori de Esperte interne di Furlan -
docente di Letaris professore **Donatella Bello**
Scuele Secondarie di I grât di Sant Denêl
Istitût Comprensif di Sant Denêl*